

ERREFUXIATUEN ITZULERA. Epaitu ondoren izan zitzaketen zigorrek epea gainditu dute

Jaioterrira itzultzea erabaki duten iheslariek ez dute auzirik zabalik

Ongietorrien gainean, Josu Jon Imazek esan du Ertzaintzak «legea betearaziko duela»

Erredakzioa | DONOSTIA

Jaioterrietara itzuliko direla iragarri zuten 11 iheslari politikoek ez dute auzirik zabalik Espainiako Auzitegi Nazionalan. Izan ere, ihes egiterako irekita zituzten auziak, epea pasa denez, preskribituta daude, aipatutako auzitegiko iturri juridikoek jakitera eman dutenez. Era berean, Angel Alcalde (itzuli denetako bat) Europako Batasunean «terrorista bilatuenen» zerrendan egoteak ez du eraginik Auzitegi Nazionalako fiskaltza-rentzat, Espainiako justiziarekin auzirik ez izateak gain hartzen diolako Europako Batasuneko bilatze eta atxilotze aginduari, aipatu iturri juridikoek esan dutenez.

Errefuxiatu horiek 80 edo 90. hamarkada hasieran Auzitegi Nazionalak ETAren kolaboratzea leporatzen zitelako hainbat auzi zituzten, eta nork bere aldetik, ihes egitea erabaki zuten. Kasu horretan, Espainiako legearen arabera, leporatzen zaien ekintza hamar urteren buruan indargabe geratzen da, baldin eta leporatzen zaien delituengatik espetxe zigorra bost urte baino gehiago eta hamar baino gutxiagokoa bada. Itzuli direnek epe hori gainditu dute, leporatzen zaizkien ekintzek hamar urte bete dituztelako.

Iheslari politiko horiek elkar-tu eta joan den larunbatean, Donostiako Gaska kiroldegian jaioterrira itzultzea erabaki dutela publiko egin zuten. Bai Eus-



GARI GARAIALDE / ARGAKZI PRESS

Donostiako Gaska kiroldegian egin zuten agerraldi publikoa errefuxiatuek, joan den larunbatean.

kal Herriari herri ekimenak antolatutako ekitaldian egin zuten agerraldia. Ekitaldia amaitzeaz gero, errefuxiatu taldea ohol-tza gainera igo zen, eta Angel Alcaldek hartu zuen hitza taldearen izenean. Berak esan zuen sorterrira itzultzea erabaki dutela bertakoak direlako eta «Euskal Herriko prozesu soberanistan» parte hartzeko.

Errefuxiatu horiei, bakoitzari bere jaioterrian, datorren aste-buruan ongietorriak egingo

zaizkiela iragarri du Askatasunak; ez du, ordea, berak antolatuko dituenik esan. Auzitegiko iturri juridikoek, aldiz, esan dute Askatasunak ongietorriak iragarri dituela, eta elkarte horrek, Baltasar Garzon epaileak aginduta, ekimen guztiak galarazita dituela. Dena den, ongietorriak egiteko baimena eman edo ez Eusko Jaurlaritzako Herri-zaingo Sailaren esku dago.

Imaz: «Atxilotze agindua dutenentzako omenaldirik ez»

11 iheslari euren jaioterrietan egingo dizkieten harreren inguruko balorazioa egin zuen atzo Eusko Jaurlaritzak, asteroko gobernu bileraren ostean. Bozera-malearen ustetan, Ertzaintzak atxilotzeko nazioarteko

agindua duten pertsonen kontra jardun behar du, «edozein polizia judizialek egingo lukeen moduan».

Halaber, Imazen aburuz, «Herrizaingo Sailak ez luke inolaz ere baimendu behar atxilotzeko agindua duen pertsona baten aldeko omenaldirik», eta halako ekitaldiak galarazi beharko lituzkeela iritzi zion.

Herrizaingo Sailak, bere aldetik esan zuen «legea betearaziko duela». Oraindik ez duela egingo zaien omenaldien berri izan, baina «betiko moduan legea beteko» duela esan zuen Herrizaingo Sailak.

Karlos Urkijo PPko legebiltzarkideak Jaurlaritzari «gogor egiteko» eskatu dio antolatzaile eta parte-hartzaileen aurka.

EAJ-EA

Asteon berriro ekingo diote hauteskunde koaliziorako negoziazioei

Erredakzioa | BILBO

Datozen maiatzaren 25eko hauteskundeetan koalizioan aurkezteko beste aukera bat ematea deliberatu ostean, EAJk eta EAK berriro ere negoziazioei ekingo diote aste honetan, bihar bertan Efe agentziaren arabera. Bi alderdietako ordezkariak hartu zuten atzo koalizioaren gaia ahotan, baina ez batzuk ez besteek ez zuten deus esan negoziazioei berriro egiteko jarri dituzten baldintzen gainean.

EAKo diputatu Espainiako Kongresuan Begoña Lasagabasterrek ez zuen zehaztu aste honetako zer egunetan eta non bilduko diren negoziazio batzordeak, baina bere alderdiaren adinako «borondate ona» eskatu zion EAJ alderdiari ere. Dena den, ez zuen ukatu «lan asko» egin behar dutela irizpideak bateratzeko garaian. Horren ondorioz, abenduaren 11n negoziazioak eten zituzten.

Bere alderdiak koalizioaren aldeko jarrera duela berretsi zuen Iñaki Anasagasti diputatu jeltzaleak, baina gaineratu zuen hauteskunde urtea izaki «2003. urtea akordioak lortzeko urte txarra eta desegokia» dela.

Eragozpenik handiena hautes zerrenda da

Hautes zerrenda da Hautes zerrendak osatzeko akordiorako eragozpen nagusia. Jeltzaleek 2000ko hauteskunde orokorretan lorturiko emaitzetan oinarritu nahi dute zerrenden osaketa; EAK berri, 1999ko udal eta foru hauteskundeak hartzen ditu abiapuntutzat.

2001eko maiatzaren 13ko EAJ-EA koalizioaren «onurak» kontuan hartuta, bi alderdiek sarri adierazi dute koalizioa nahi dutela, baina ez dute irizpide kontrajarriak adierazitako gogoaren gainetik jartzeko modua aurkitu oraindik, behinik behin. Aste honetan elkarrekin mahai baten inguruan eseri eta azken saioa egingo dute akordio batera iristeko.



Osakidetza
Servicio vasco de salud



2002ko ENPLEGU PUBLIKO ESKAINTZA

2003ko urtarrilaren 13an eta 16an, Basurtuko Ospitalean (Montevideo etorbidea, 18 - Bilbo), ondoren zehazten diren azterketak burutuko dira, Osakidetza deitutako hautatze-prozesuaren barruan:

DATA	ORDUA	KATEGORIA	LEKUA
03-01-13	16.30	GAIXOTASUN INFEKZIOSOAK - STG ARLOA (1. ARIKETA)	Larrialdietako Zerbitzuko gela (Larrialdietako Pabiloiko sotoa)
03-01-16	16.30	GAIXOTASUN INFEKZIOSOAK - STG ARLOA (2. ARIKETA)	Irakaskuntza-gela, Jado Pabiloia, 4. solairua

Gela noiz irekiko den: probaren hasiera ordua baino 15 minutu lehenago.
Gela noiz itxiko den: aurreikusitako orduan eta proba hasi ondoren ezin izango da inor sartu.

Hauek dira **BIOLOGO** kategoriako 1. ariketa egiteko data, ordua eta lekua:

DATA	ORDUA	KATEGORIA	LEKUA
03-01-25	12.00	BIOLOGOA	Gurutzetako Ospitaleko Ekitaldi Aretoa (Gurutzetako plaza z/g - Barakaldo)

Informazio gehiago behar izanez gero, Osakidetza Giza Baliabideetako Zuzendaritzako Hautaketa-Zerbitzura jo dezakezu, telefono hauetara deituz:

• 945 006 004 • 945 006 176 • 945 006 150

www.osakidetza-svs.org



EUSKO JAURLARITZA
GOBIERNO VASCO

Kultura Sailak diruz
lagundutako egunkaria